

龍沙紀略
東三省輿圖
建州女真考說



Z121

1

:3186

60329

龍

沙

紀

略

方式濟撰

中華書局

叢書集成初編

龍沙紀略（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

四庫全書提要

龍沙紀略一卷。國朝方式濟撰。式濟字屋源。號沃園。康熙己丑進士。官中書舍人。是編乃式濟之父登嶧。謫居黑龍江時。式濟往省。因據所見聞。考核古蹟。勒爲九門。一曰方隅。二曰山川。三曰經制。四曰時令。五曰風俗。六曰飲食。七曰貢賦。八曰物產。九曰屋宇。總名曰龍沙紀略。考後漢書班超傳贊曰。坦步葱雪。咫尺龍沙。章懷太子注曰。謂葱嶺雪山。龍堆沙漠也。漢書匈奴傳曰。康居烏孫。豈能踰白龍堆。而寇西邊。孟康注曰。龍堆形如土龍。高大者二三丈。卑者丈餘。在西域中。又酈道元水經注曰。鄯善國東垂當白龍堆。則龍堆在西不在東。又漢書武帝本紀曰。衛青復將六軍絕幕。顏師古注曰。沙上曰幕。直度曰絕。後漢書西域傳曰。孝武深維久長之計。命遣虎臣。浮河絕幕。又竇憲燕然山銘稱。絕大漠。李陵別歌稱。經萬里兮渡沙漠。則沙漠迤繞西北。亦不在東。自劉孝標有賦得龍沙宵月明詩。李白有將軍分虎竹。戰士臥龍沙之句。始誤以龍沙爲一地。而詩家遂沿爲塞外之通稱。式濟記東北之事。而以龍沙爲書名。蓋沿用舊文之故。不知自唐以來。渤海大氏奄有諸土。已久爲城郭宮室之國。豈可以龍沙爲目哉。然白山黑水之閒。古來輿記大抵得諸傳聞。卽近時修志乘者。秉筆之人。亦未必親至其地。式濟久住于斯。又閒居多暇。得以遊覽詢訪。究其詳悉。如辨混同江源出長白山。土人呼爲松阿里江。松阿里江北與諾尼江合流。東北受黑龍江。又南受烏蘇里江。匯注于海。因其納三江之大。故名混同。蓋松阿里自南而北。黑龍江自北而

龍沙紀略

方隅

清 桐城方式濟屋源撰

邊荒沿革傳聞異辭。黑龍江尤爲絕域。古史書而不詳。盛朝大一統之化。方隅日廣。余備極搜討。得梗槩焉。蓋自奉天過開原。出威遠堡關。而郡縣盡。外有七鎮。曰吉林。烏喇。曰寧古塔。曰新城。曰伊蘭。哈喇。圖寧。古塔將軍轄。由新城之伯都納。渡諾尼江而北。曰卜魁。曰默爾根。曰艾渾。屬黑龍江將軍轄。皆在奉天府東北。

廣輿記載沿諾尼江上自海西。下至黑龍江。按後魏有黑水部。唐有黑水府。府治在今開原縣。而今之吉林寧古塔新城隸焉。以黑水名者。因黑龍江尾也。黑水部四至無考。今諾尼江在蒙古境內。

卜魁站名。

土人謂爲站。

在新城之北八百里。距七站。或曰大力人爲布庫。曾有布庫居此。故名。今曰卜魁誤也。

或曰有達呼里人。名卜魁。耕於此。或曰元置軍民萬戶。府五。一曰布固江。今卜魁枕諾尼江。而布固江未知所在。舊站去城十五里。地名齊齊哈爾。立城後。移站於城。城因站名。官文書皆稱之。

默爾根河名鎮城。依河西。在卜魁東北四百二十里。距六站。相傳康熙初年。掘井得石。有莫來耕三大字。繫唐年號。余按唐疆宇不及此。且非誥誡勒石語也。

艾渾在默爾根東三百四十里，距五站，一名艾渾，言可畏也。鎮城在黑龍江西岸，江之東有舊艾渾城，相傳元黑龍衛城也。自鎮城西北一百里，爲雅克薩城，舊趾過此而西又千餘里，今邊界立有界碑。

按輿表，黑龍江將軍境東至海五千里，西至喀爾喀界一千八百里，南至松花江八百里，北至俄羅斯界三千里，據卜魁言也。其言松花江指伯都納之左，與諾尼交會處，俄羅斯自西北袤延至正北，爲地甚廣，今界碑在西北昂班格里必齊河之東，而北有山爲限。

考四境，元時盡隸版圖，明代皆蒙古錫伯達呼里、紅呼里、索倫散處之，國朝之初悉歸附焉。後俄羅斯侵入境內，築城曰雅克薩，又順黑龍江而南，據呼麻拉，康熙二十三年上命寧古塔副都統薩布素率舟師由松花江湖黑龍江上流伐之，彼自呼麻拉退保雅克薩城，大兵於艾渾立城，與之相拒。康熙二十八年圍雅克薩城，攻之急，彼遣使開道詣闕籲請，命解圍聽其去，而雅克薩城廢，西距千餘里，立界石。艾渾遂永爲重鎮，以薩布素爲黑龍江將軍，從征軍士自寧古塔邊婦子家焉，復於默爾根設參領，卜魁設副都統，分兵爲協鎮。康熙三十二年，薩帥以默爾根居兩鎮間，首尾易制，奏請移節而艾渾改駐副都統，康熙三十八年，復以默爾根地瘠不可容衆，奏移卜魁，而默爾根增置副都統，今將軍仍稱黑龍江者，沿艾渾立官之始也。

俄羅斯古大食國，歷今一千七百一十餘年，元太祖與其弟分收地，其弟滅俄羅斯，卽以封之，曰察罕汗，白爲察罕汗，卽可汗之稱，國仍舊名，元入中土，沿諾尼江黑龍江置驛，歲與察罕汗通問，恩江岸殘址猶

有存者。其王都曰脫博斯奇城。近邊曰尼布楚城。色楞額城。納古爾和新城。納古爾和斯有總管駐守。入通市者。皆尼布楚人。別其種曰羅利。誤老鎗。又誤老羌。

卜魁城之南。諾尼江以東。通恩河以西。爲蒙古圖伯特地。與表云。圖伯特地。東至黑龍江將軍界。一百四十里。西至札拉台界。三十里。南至郭爾羅斯鎮國公界。一百四十里。北至索倫界。一百里。

圖伯特以南。至松阿里江北岸。爲蒙古之古嚕蘇地。按與表云。古嚕蘇地。東至圖伯特界。八十里。西至本部輔國公界。一百四十里。南至烏喇將軍界。一百四十里。北至圖伯特界。一百二十里。蓋圖伯特地形象曲尺。與古嚕蘇交錯。故東北皆河也。

卜魁城西渡諾尼江。蒙古扎拉特地。與表云。札拉台。東至圖伯特界。三十五里。西至古嚕蘇地鎮國公界。二十五里。南至古嚕蘇地輔國公界。一百五十里。北至色衣鏢山無交界。余按西至當是科爾沁鎮國公界。古嚕蘇界似誤。與表載科爾沁鎮國公地。東至札拉特界。可證。黑龍江以南。圖沁河以北。諾尼江以東。鄂爾固納河以東。八圍人索倫地。

黑龍江以北。精奇尼江源以南。虞人鄂倫春地。其衆夾精奇尼江以居。

鄂爾固納河以西。庫倫海以北。鄂倫斯虞人也。

庫倫海以南。喀爾喀河以西。巴爾虎地。

山川

卜魁以南至新城數百里，皆平漠，其三面之二百里內，亦無山。過北則巖嶺環疊，多從興安嶺發脈，而溪澗陂湖之水，潏洄於境內者，以數百計，皆蒙古名莫曉其義。最大者三江，黑龍、精奇尼、諾尼也。寧古塔屬之松阿里、烏蘇里二江，與諾尼黑龍會，爲混同，而受境內諸支流，故並紀之。江曰烏喇，河曰必拉湖，曰諾爾海，曰鄂模。

黑龍江源，明一統志云：出北山。盛京通志亦祇云：出西北塞外。今按江源出俄羅斯境，其上游爲鄂諾河，鄂諾源出安巴，在興安諸山之南，東流六百里，與科勒蘇河合。又東北八百里，受衆流爲黑龍江。北會尼布楚河，經尼布楚城東，又三百餘里，北流至昂班格里，必齊河界碑，入我境，東抵察哈鹽峰，凡一千五百餘里，復東南流六百里，經多斯峰呼瑪拉故墟之間，至額蘇里，與精奇尼江合，其合處猶未至艾渾數十里也。

過新艾渾城東門，稍東南流，經托里爾峰、博果里山，西北至蘇爾喜峰之北，又折而東，經茂峰喀木之間，至葉爾博和河，與松阿里江合。西北視艾渾城已千里矣。

江在俄羅斯境內，河之自西而東入江者九，曰巴爾稽，曰阿哈楚，曰塔爾巴哈泰，曰圖魯泰，曰塔拉巴爾集，曰特楞，曰額克碩，曰額倫，曰昂依德。河之自南而北入江者三，曰布拉克窩集，曰圖里格，曰溫多。

其自界碑橫而東也，河之由西北而南入江者九，曰阿集格格里，必齊，曰卓爾克奇，曰昂班格里，必齊，曰俄羅斯，曰鄂爾多昆，曰烏里蘇，曰博倫穆達，曰額爾格，曰必勒覃也。自南而北入江者四，曰鄂爾固納河，曰

穆河曰額穆勒河。曰旁庫河。鄂爾固納爲俄羅斯界河。故其名獨著。小河匯此而入江者十有一。曰依木。曰諾爾。曰默里爾克。曰特爾布爾。曰根。曰開拉里。曰伊密。曰特納克。曰魁。曰默爾根。曰札敦。而伊密。特納克。魁。莫勒根。札敦。五河。又匯於開拉里。以入鄂爾固納。達於江。

庫倫海過庫千里。在黑龍江之南。開拉里河之左。其南有烏里遜河。烏蘭泉。及俄羅斯之克魯倫河。皆北來匯於此。由鄂爾固納達江。克魯倫河發源之山。與黑龍江源安巴興安。南北相望。亦大川也。

庫倫海東南八百里內。又有噶爾必海。烏蘭海。市育里海。以受南北山之水。其支河七。曰安巴哈爾。曰伊蘭色模。曰喀爾札布魯克圖。曰訶爾訶齊。曰西巴拉泰。曰呼魯思泰。曰喀爾喀。各以距三海近者入之。而仍由烏里遜河。北注。以庫倫爲歸宿。

江自察哈鹽峰而南也。至呼瑪拉城。始有支河。曰呼瑪拉河。由西北入也。其匯入呼瑪拉之小河四。曰塔哈。曰呼集里。曰窩勒科。曰呼蘭。其發源多斯峰下者。有河曰模林。發源阿拉爾山下者。有河曰默勒爾。由東北入也。斜與默勒爾相對。由西北入者。曰庫鼎河。又新艾渾城之前。曰昆河。博果里山麓。曰孫河。入孫河。匯流者。曰占河。皆由西北入。又朱赫德山發源者。曰默里爾克河。圖勒爾山發源者。曰博屯河。皆由東北入。與孫河相射。

江自蘇爾喜峰。復折而東也。峰之左。曰尼滿河。峰之右。曰哈拉河。又茂峰之左。曰吉林河。茂峰之右。曰庫穆納河。又有朱春河。庫裕魯河。蘇魯河。必占河。由東北而入江者八也。又臥龍旗河。烏爾噶爾河。錫里穆

第爾河、西雅滿河、匯尼滿以達於江者也。與尼滿斜對曰科爾芬河。過此又有五音河、嘉里河、富河、宰河、葉爾博和河、由西南而入江者六也。

盛京通志云：黑龍江卽薩哈連江。薩哈連者黑也。金史云：混同江一名黑龍江。水微黑。考混同源出長白山。舊名粟末江。遼故爲混同江。土人呼松阿里江。金志誤宋瓦。又傳誤松花。其流自南而北。黑龍江自北而南。其與黑龍會歷二千五百里之遙。則兩江不得混稱明矣。松阿里江北與諾尼江合流。折而東北。受黑龍江。又南受烏蘇里江。匯注於海。因其納三江之大。故名混同。則其土游未會於諾尼。仍當稱松阿里江也。金祖伐遼。將攻黃龍。次混同江。無舟楫。乘赭白馬。竟涉。世宗大定二十五年。封混同江神。立廟致祭。蓋神靈所鍾。由來舊矣。

精奇尼江。盛京通志不載。精奇尼形容之詞。如云誠哉是也。江源出境內極北之山。在察哈鹽峰之北。將及千里。江形如弓。東南流八百餘里。合錫里穆第河。復折而西三百餘里。至額蘇里。與黑龍江合。

河之自西北而東南入於精奇尼江者二。納爾赫蘇布河、托喀河也。自東北而西南以入者。十有七。最大者曰阿爾集。曰寧尼。曰錫里穆第也。其小河由阿爾集以達者。額爾格也。烏能也。烏拉喀也。由寧尼以達者。勒都也。帖牛也。由錫里穆第以達者。陰鏗也。畢沙也。陽奇爾也。納喇也。鄂爾模爾科也。穆敏也。翁額也。外此曰烏爾格。曰托瑪。曰貝敦。烏爾格與江發源一山。雙汊並下。百里而合。托瑪、貝敦發源於都立奇山後。迤邐以入。而江將盡矣。

諾尼江卽腦溫江。盛京通志作納尼。蒙古謂腦溫爲碧。諾尼意同。今呼嫩江。明一統志云。源出西北邊外。不可考。蓋江之在明爲甌脫。而一統志載之者。第指其與松阿里合流處。故不知其源。今按江源出宜呼爾山。山在黑龍江之南。興安嶺下。江流自北而南。經察克達奇山之東。額勒克爾山之西。循默爾根城北門。復稍轉西下。抵卜魁城西門。凡一千四百餘里。與松阿里江合。

河之自西北而東注諾尼者。十有八。曰東郭羅。曰喀諾。曰孤壘。曰納都固。曰多布科爾。曰謳鏗。曰甘河。曰雞窩兒。曰諾敏。曰必臘。曰格尼。曰阿倫木。曰庫爾奇魯。曰雅爾。曰機勤。曰哈岱坎。曰綽爾。曰圖沁也。東郭羅發源于興安嶺。與江源斜並。遙望水光夾瀉。近接宜呼爾山。故誤謂諾尼兩源並出也。至諸河互有支幹。雞窩兒由甘河達江。必臘。格尼由諾敏。機勤由庫爾奇魯河。哈岱坎由雅爾河。圖沁由綽爾河。河之自東而西入諾尼者。十有一。曰納玉爾。曰喀魯爾。曰鄂多。曰密奇爾。曰默勒爾。曰木納爾。曰赫魯爾。曰默爾根。曰羅拉喀。曰納木爾。曰塔葛爾也。密奇爾由默勒爾達江。木納爾由赫魯爾達江。羅拉喀由納木爾達江。又納玉爾喀魯爾之間有湖。曰依克車勒克奇湖。不通江。

境之南界松阿里江。發源長白山。北流四百餘里。經吉林鎮城之東。又西北流二百里。出法塔哈邊。折而西。繞白都納城。南西北三面。凡三百餘里。與諾尼江合。其上游之支河不具載。自合諾尼東北流一千六百里。北會黑龍江。又四百里。南會烏蘇里江。是名混同江。江之南屬寧古塔。其北爲境內地。河之自南而北入江者六。曰拉林。曰阿爾楚喀。曰非克圖。曰奇普拉。曰默音。曰呼爾哈。西北入江而流長者。曰伊克河。

其小河由伊克以達者曰希費勒曰博和里曰發爾圖渾又有鄂罕河音達穆河安巴河皆西北流以入焉河之自北而南入江者曰呼倫河其小河之由呼倫以達者五曰通恩曰納敏曰額澤曰額密集曰呼拉庫其呼倫以東河之南匯於江者曰碩羅曰富特庫曰穆淋曰阿濟格富勒渾曰昂班富勒渾曰西林曰昂班烏納渾曰錫伯曰昂班呼特亨曰巴蘭江之北三百餘里有圍海發源汪濊出坎隄小河十有三東達於江曰烏穆魯曰哈木奇曰依春曰徹里曰必罕曰窩集曰活曰屯曰洪果曰穆遜曰圖曰哈羅曰阿西克灘

烏蘇里江發源西噶塔山之北在寧古塔之東千餘里歷千二百里北與混同江合將入之數十里東西歧而爲二自是東北流合黑龍精奇尼諾尼松阿里烏蘇里五江之水歷千餘里入海此千餘里內河之自北而南匯入者二曰奇穆尼曰庫魯河之自西而東匯入者十有九曰諾雷布拉布曰克赤曰富達爾塔拉哈曰默爾奇塔拉哈曰格林曰爾根曰科兒古曰卓羅曰多林曰赤克圖哈曰必占曰畢陳曰梅庫曰亨滾曰齊林依曰喀圖密曰約密曰里赤曰法特海其由格林河以達者爲多斯密河由亨滾河以達者爲略達烏爾河額密勒河河之自東而西匯入者二十有三曰敦敦曰巴拉兒曰必勒古曰由特曰哈爾集曰希拉河曰粘達哈曰合里曰達幹曰希爾巴希曰納木登特曰敖梯曰約敏曰奎瑪曰夏里曰瑪噶爾齊曰赫勒里曰發停曰器寧曰河科起曰巴喀曰敖達里曰科齊按黑龍江發源俄羅斯境自西至東凡七千餘里精奇尼江源以南松阿里江源以北南北凡三千餘里百谷萬派莫不循度朝宗重潤之

慶車軌斯同。誠哉王會之大觀也。

興安嶺一曰新安嶺。或曰蔥嶺之支絡也。盤旋境內數千里。襟帶三江之左右。爲衆流發源。由卜魁至默爾根艾渾。置驛嶺上。巡邊者渡諾尼西北數百里。則陟降取道。松柞數千圍。高窮目力。穿林而行。午不見日。石色斑駁。若趙千里畫幅。閒物有石洞。洞中几榻天然。如琢。行者闢草得之。藉少慰焉。

察哈鹽蜂。在黑龍江東北隅。山形如剖壁。而西南背東北。峭削千尋。根插江底。土色黃赤。無寸草。腰亘兩帶。深黑火光出帶間。四時騰熾不絕。大雨則烟煤入雨氣中。延罩波上。巡邊者舟過其下。續長竿取火爲戲。兩帶相去數丈許。竿止及下帶也。山背萬木蔥鬱。翠藍異狀。雖窮冬不凋。

經制

卜魁將軍副都統各一員。統八旗。旗各協領一。佐領五。防禦一。驍騎校五。火器營參領一員。值訓練八旗。量撥官佐之無定制。先鋒營佐領二。選於八旗。非特設也。默爾根副都統一員。八旗共協領四。防禦二。旗各佐領二。驍騎校二。惟鑲藍旗佐領驍騎校各一。無火器營。而先鋒營如卜魁制。艾渾副都統一員。協領與默爾根同。旗各防禦一。佐領三。驍騎校三。火器營統於卜魁參領。訓練如卜魁制。先鋒亦然。卜魁兵二千有四十。滿洲漢軍暨索倫達呼里。巴爾虎充之。艾渾兵一千二百。無巴爾虎。餘同。默爾根兵九百。皆索倫達呼里人。三城佐領滿洲二十有九。又費雅喀別部籍入滿洲者。佐領三。索倫十有一。達呼里二十有八。巴爾虎四。漢軍六。計八十一員。分轄其衆。歲於九月大閱。

卜魁戶口二萬有二十七。默爾根五千七百三十八。艾渾一萬三千有二十四。漢軍達呼里巴爾虎兵役以及站丁。黥隸皆與焉。商賈往來無定。亦立冊以稽。

三鎮二十驛。各千總一。筆帖式一。丁三十名。馬三十四。牛二十頭。管驛官二。各司十驛。一駐卜魁。一駐默爾根。土人稱爲站官。

卜魁水師營總管一。四品官二。五品官一。六品官二。四品五品六品者。猶之佐領防禦驍騎校也。皆漢軍爲之。

艾渾官制同。而統於卜魁總管。水手皆流入充役。卜魁三百一十九。艾渾四百二十七。流入漸多。或老懦者。則輸費。正役曰幫丁。水手食兵餉之半。故一正予一幫。

戰艦百。隸黑龍江者六。隸諾尼江者四。篷槳貯水師營庫。八月將軍副都統率水師揚旗鳴鉦鼓。使風於中流。凡三日。

戰艦五年大修。十年拆造。就材吉林。故吉林又名船廠。凡凡案甄鼎之屬。皆附船致之。卜魁艾渾諸城。

卜魁艾渾官莊各二十。默爾根官莊十一。莊一十夫。夫輸穀十石。準制斛三十石草五百束。歲歉則計分以減。今

貯倉者。卜魁積十二萬石。默爾根艾渾各三萬石。卜魁初立城。值歲饑。將軍沙納海盡發倉穀以賑。撥附采珠船以濟。布塔哈烏喇引罪入奏。議於來歲屯種還倉。請敕蒙古助牛力。

上允其請。溫語褒之。邊人至今感述其事。

索倫本名索莪羅。地產貂。以捕貂爲役。居地詳方隅。分八圍。共四千九十餘人。就用其人爲佐領。六十九員轄之。更設烏和里達。依里奇達統焉。烏和里達猶總尉也。依里奇達爲副。皆八旗人。其在城之索倫兵七十餘人。則初設鎮時收入八旗者。不在八圍之內。亦不應捕貂役。

達呼里。索倫屬。俗誤打狐狸。語音與蒙古稍異。閒雜漢語。當是元代軍民府之遺。索倫達呼里諸部。涵沐聖化。貢身朝廊。近頗以材武自表見。有爲近侍者。邊人榮之。

三城兵。籍達呼里。居數之半。下魁滿洲兵五百八十。漢軍二百。四巴爾虎二百四十。達呼里共九百二十五。艾渾滿洲兵五百八十。漢軍一百二十。索倫與達呼里共五百。默爾根索倫與達呼里共九百。

巴爾虎者。喀爾喀中之一部也。居地詳方隅。其成此者。闖入俄羅斯境。大軍征俄羅斯來歸。遂編入旗。今充兵者二百四十人。卽以其人爲佐領。

三城軍器之散在兵者。以時修補。新舊相授受。火器貯官庫。操練時出之。

卜魁官馬千牛千。羊萬。歲計其孳息。均賞三城軍卒。默爾根艾渾各遣人來應打草役。皆腰長鐮。著樺皮冠。

五月。三城各遣大弁。率百人。巡邊至鄂爾固納河。河以西俄羅斯地。察視東岸沙草有無牧痕。防侵界也。往返各五六十日。卜魁往者。渡諾尼江。指西北。過特爾庫爾峰。與安嶺。涉希尼客河。開拉里依木等河。草路瀾漫無轍跡。辨方而行。剝大樹皮以識歸路。默爾根往者。亦渡諾尼江。西北過與安嶺。盤旋層嶂中。其

路徑爲易識。艾渾往者，從黑龍江溯舟北上，折而西，過雅克薩城故墟，至界碑。路多蝻如蜂，其長徑寸，天無風，或雨後，更熾。行人膏虛底，帳以納蝻，而宿于外，帶十數齊，下人始得餐。整馬牛，流血，身股盡赤，馬軼，竟深草間，見蝻高如邱，知其必斃，棄不顧矣。囊餼糧於樹，歸時取食之，近頗爲捕生者所竊，乃埋而識之。渡河，伐樹爲筏，馬馮水以過。俄羅斯居有城，屋以板爲瓦，廊廡隆起，層疊，望之如西洋圖畫。耕以馬，不以牛，牛千百爲羣，放於野，欲食牛，則射而仆之，曳以歸。邊卒攜一縑，值三四金者，易二馬，烟草三四斤，易一牛。

秋盡，俄羅斯來互市，或百人，或六七十人，一官統之，宿江之西，官居氈幕，植二旗於門，衣冠皆織，鬪爲之，秃袖方領，冠高尺許，預方而約其下，行坐有兵卒監之。所攜馬牛皮毛玻璃佩刀之類，易縑布烟草薑椒，饌餽諸物以去。俄羅斯來文二函，一彼國字，一蒙古字，貴官與商賈名悉載。康熙丙申歲，來文稱察罕汗一千七百一十六年，蓋溯自有城郭，人民始也。署銜具先代官職於前，重世祿也。將軍以其文達兵部理藩院。

楚爾罕者，兵車之會也。地在下魁城北十餘里，定制於草青時，各蒙古部落及虞人皆來，通市，商賈移肆以往，艾渾默爾根，屠沽亦皆載道，輪蹄絡繹，皮幣山積，牛馬蔽野，集初立，劃沙爲界，各部落人駐其北，商賈官卒遊人駐其南，中設兵禁，將軍選貢貂後始聽交通，凡二十餘日。貂產索倫之東北，捕貂以犬，非犬則不得貂，虞者往還，當自減其食以飼犬，犬前驅，停嗅深草間，卽貂穴。

也。伏伺擒之。或驚竄樹末。則人犬皆息以待其下。犬惜其毛。不傷以齒。貂亦不復戕動。納于囊。徐俟其死。入歲輸一於官。各私識毛色。彙佐領處。五月。將軍至墟場。選以貢。凡三等。官給價有差。不入等者聽覯。紅呼里。索倫屬。俗誤紅狐狸。應捕貂役。隸八圍之內。

鄂倫春。與俄羅斯接壤。隸籍者五百六十五人。十佐領轄之。輸貂如索倫制。

混同諾尼諸江。汶產珠。布塔哈烏喇歲有打珠船來。采以貢。有珠之河。水冷而急。以大船夾威弧。植篙透底。數人持之。涸者。負袋緣篙而下。得蚌滿袋。貯威弧中。官督剖之。未成珠者。仍棄於水。私采之禁。等於剛參。或孤獨本丹名。

打鷹。流人役也。人歲輸二鷹。以海青秋黃爲最。貢無定數。多不逾二十。常倍備之。以防道斃。艾渾默爾根各三十架。送卜魁。將軍彙選之。

江冰始獵。參領以下獵雉。將軍獵野蔬。於通鑾河備貢數。通鑾。蒙古地。先期移文告之。

正月雪後。黃羊乃大集。水師營率水手步獵之。挺擊輒中。

築城不以土。視隕地草土糾結者。掘之。尺度如壘曰堊。堊厚數堊。高不盈尺。圯則按地。分旗飭兵修之。

時令

四時皆寒。五月始脫裘。六月晝熱十數日。與京師略同。夜仍不能卻重衾。七月則衣棉矣。立冬後。朔氣砭肌骨。立戶外。呼吸頃。鬚眉俱冰。出必勤以掌溫耳鼻。少懈則鼻準死。耳輪作裂竹聲。痛如割。土人曰。近頗